

楊一凡 編

中國律學文獻



社會科學文獻出版社
SOCIAL SCIENCES ACADEMIC PRESS (CHINA)

楊一凡編

社會科學文獻出版社

中國律學文獻

第五輯
第六冊

中國律學文獻 第五輯 第六冊目次

讀律佩觿八卷

卷一至卷六

〔清〕王明德撰
清康熙十五年王氏冷然閣重刻本

.....

〔清〕王明德撰

清康熙十五年王氏冷然閣重刻本

讀律佩觿八卷

卷一至卷六

本序

刑律之名何昉乎舜典曰同律度量衡
孟氏曰師曠之聰不以六律不能正五
音是律之爲具乃開物成務法天乘氣
所必繇萬古聖王不易之區度也上古
之世老死不相往來蠢乎無所爲好惡

鳥別是非是非未形道德仁義廓焉無
朕上與下渾渾然各任其天而已何有
於刑刑且無名况云律乎惟一畫開陰
陽闢黑白分嗜欲動而是非生道德仁
義于此基端妍媸美惡卽於此互立強
弱形成好惡道著斯道德仁義始昭然

乎世宙迨及罔榆束急務乘鬪捷蚩尤
紊紀賊義鴟仁民漸胥焚姦宄寇攘愍
頑猾亂軒轅氏始習干戈作指南征不
庭兵于是焉興涿鹿旣陳爰取嶰峪之
竹測飛灰候陽始調曆數因之而格神
人和上下因之而崇教養勵董勸因之

而懸夏楚垂木沒繩不率以正民趨于
是乎刑之名刑之寔始特立而不可泯
是刑固教之助兵之輔而兵則刑之繼
道之賊也蓋刑不戢兵將繼之刑可或
緩歟然深原夫刑之所自寔本道德仁
義以基生初非全乎天地自然之氣雖

然謂非自然之數哉。囿乎自然之數，卽
天地不能違。夫至天地不能違，謂非自
然之氣耶？否耶？語云：礮生機，機生弓，弓
生彈，彈生于孝子。夫孝子之爲彈，抑豈
意其流弊若彼而極之，乃以厲夫人，必
非孝子之心也。惟深思而善用之，則幾

矣余于刑律亦以爲然嘗攷往古統乎
律爲用惟曆與樂刑則未之前聞三代
而上勿論已自周室東遷五侯迭霸功
利競圖狡詐是崇王綱紐解雞鳴狗盜
之徒位上列以傲侯王督法任刑痛酷
慘烈莫可抵極孔子幸生三代之末去

古未遠然以世卿顯祿崛起無資弗獲
得位行其道因作春秋伸筆削以正人
心子產雖賢而在位復以鄭風靡弱局
處一隅終不得大行其志于天下懼乎
刑失而求諸野爰鑄刑書魏李悝雖以
富強顯然猶知崇尚簡約和易民趨作

本月

四

法經六章夫亦以象魏懸則民知懼庶
乎望而却走不致觸機笄而蹈罟獲羸
秦蠶食六國殘民以逞漢高反秦矢志
寬大約法恬民悉去秦苛務歸簡易不
免矯枉過直法紀蕩弛既而強獷項臂
侯王交訐拔劍掉呼掎地擊柱韓彭俎

醢絺黥赤族寔始基之矣叔孫徵魯諸
生習綿蕞以尊天子庶政于是乎肅鄴
侯著律令期畫一當其時鄭亡先諸國
繼以火刑書淹滅莫可攷特除參夷連
坐法本悝之法經益以擅興廐戶三篇
竝列爲九則刑之以律名端自有漢始

嗣是張蒼馮敬張釋之路溫舒蕭望之
于定國黃霸鄭昌輩將明政教廉平寬
恕世共稱焉文帝除肉刑平勃奉詔盡
除收律相坐法尙已至新垣平謀逆乃
復三族令遂世世因之不可復貸孝武
徵發煩數民貧耗易犯法斷擊不可勝

因緩淡故之罪急縱出之誅而酷吏寘
成義縱張湯趙禹杜周王溫舒之徒鈞
撫刻塞復作見知故縱監臨部主連坐
法且剝腹誹議舞文鍛鍊迎合希寵視
秦誹謗偶語更過之矣乳虎鷹鷂赫赫
一時卒歸戮滅曹魏雖閏統然矜女弱

除兩氏連坐法亦殊可風晉尙儒雅揮
塵清談吏治中廢繼而五胡雲擾兵終
晉世六朝篡弒因仍享年不異燭火隋
併天下取之旣同莽操且立法更爲刻
急至盜升米一錢皆論死又烏知道德
仁義爲何物恭儉雖勤亦何益哉惟速